

Медәтә улст пенс өглгәнә зокал

Наснь медәрси улс ямаран диг-дарагъар пенс авч чадхмб, терунә тәлә юн кергәтәв,—гих сурврта бичгүд мана газетин редакцд ирд бәйнә.

Тер сурврумудт өгчәх, танъгъчин социальн теткулин отделин ах инспектор ұр П. Почтаревин хәрү барлджана-вди.

Государственн пенсин туск загагъар медәтә улс болхла, 60 нас орсн, 25 джилд кәдлсн залу кун, 55 нас орсн, 20 джилд кәдлсн куукд кун пенсд гарх зөвтә.

Ик зуудан кунд кәдлмшт йовсн кәдлмшчнр болн цергләчнр 5 джил урд пенсд гарч чадх зөвтә. Ик зуудан газрдор, цогцд хорлтта производствд, халун цехд кәдлдж йовсн улс 50 нас орсн, 20 джилд кәдлсн залу кун болн 45 нас орсн, 15 джилд кәдлсн куукд кун пенсд гарч чадхмн.

Сохран улс, дакад тавн болн туунәс олт ұр гаргәдж, ийәмн нас кәртлнә асрдж, өсксн куукд кун льготн пенсд бас гарч чадх зөвтә.

60 нас орсн залу кун, 55 нас орсн куукд кун, кәдлмшиннә стажнә тату болв чигн, пенсд гарч чадхмн. Деер келгдсн льготн пенс энунд оршго.

Медәрәд, пенсд гарх кәдлмшчнр болн цергләчнр пенсд гарх кәртлән эрк биш кәдлх зөвтә. Пенсд гарх наснь болсн кун, кемрджән тер цагтан әс кәдлджәсн болхла, пенс авч чадшго. Медәрәд, пенсд

гарх куунә эрки өвәрц зокалнә тиим болджана.

Кемрджән стажнә дуту болв чигн насарн пенсд гарх цагнә болчксн кун болхла, багъ гихдән 5 джилә, терунәс 3 джилднә пенсд гарх кәртлән кәдлсн болх зөвтә. Дакад тер 3 джилд цуг бийнә 6 сарас улү бишд кәдлмштән таслвр әс гаргәсн болх зөвтә. Кедү дакдж таслвр кәдлмштнә гарснә, юн учрар гарснә тәр уга.

Стажнә дуту болв чигн, наснь болад, пенсд гарх улс, кәдлмшән кен бәәдж, әс гидж кәдлмшән хайсн өдрәсн авч пенс некдж әрлгә орулдж өгх зөвтә. Стажнә әс кәртчәх залу кун 60 насн куцджәх саамларн әс кәдлджәсн болхла, урднә 5 джилд кәдлсн болв чигн, терунәсн 3 джилднә пенс сурх цагларн кәдлджәсн болв чигн, медәрснә пенс авч зөв уга. Тедү мег, кәдлсн стажнә тату, болв пенсд гарх наснь болчксн кун, кәдлмшән хаяд, зөвәр цаг өнәгрүлчкәд, пенс авхар некхлә, тиим куунд пенс гаргәдж өгх зөв уга.

П. ПОЧТАРЕВ.

Хальмг танъгъчин социальн теткврин ах инспектор.